

ТУҔАЛААХ УОННА СИТИҢИИЛЭЭХ СЫРЫЫ



Сааскы сынньалаан күннэригэр Намнааҕы оҕо искусствотын оскуолатын иһинэн үлэлиир оҕо үнүү «Ручеек» ансамбля Россия «хотугу столицатынан» аатырар Санкт-Петербург куоракка аан дойдутааҕы оҕолор айымньыларын «Будущее планеты» көрүү-фестивальга кыттан лауреат үрдүк аатын ылан дойдубутугар кэрэ кэһиилээх кэллибит.

Фестивальга Турциятан, Казахстантан, Саха сириттэн уонна Россия араас куораттарыттан талааннаах оҕолор күөн көрүстүлэр. Ол курдук фортепианоҕа, народной, духовой инструменнарга, муода театрыгар, сольнай, ансамблевай үнүү, сольнай, хоровой ырыаларга күрэх буолла.

«Ручеек» оҕо үнүү ансамблтан 15 оҕону илдьэ сырыттыбыт. «Хаарынан оонньуубут», «Кыталыктар» үнүүлэри дьүүлгэ таһаардыбыт. Дьүүлүүрү сүбэ үлэлээтэ. Үнүүлэрбитин үрдүктүк сынаналаата, толорор маастарыстыбабытын хайҕаата, көстүүмнэрибитин сэргээтэ. «Хаарынан оонньуубут» үнүү туруоруутун тоһоҕолоон хайҕаата уонна гала-концерка киллэрдэ.

Фестиваль таһынан оҕолор сынньалаан кэмнэригэр Санкт-Петербург кэрэ-бэлиэ миэстэлэрин көрдүлэр. Аквапаркка сөтүөлээн, дуоһуя сыннанньылар, доруобуйаларын бөҕөргөттүлэр. Санкт-Петербург устун автобуһунан экскурсияҕа сырытыннардылар, экскурсовод кэпсээнин сэһээрэ иһиттилэр. Кэлэн иһэн Москваҕа Кыһыл болуоссака күүлэйдээтибит, хаартыскаҕа түстүбүт. Ити курдук оҕолор сааскы сынньалааннарын көтөөхтүк, туһалаахтык, ситиһиилээхтик атааран кэллилэр.

Улахан махталбын тиэрдэбин төрөппүт Данилова Саргылана Вячеславовнаҕа, биһигини кытта тэнгэ ыраах айан түбүктэригэр сылдыһыспытыгар, үбүнэн көмөлөспүт, санга үнүү көстүүмнэрин тиксэбит төрөппүттэргэ, чуолаан, Ядрихинская Юлия Борисовнаҕа, Кутукова Евдокия Васильевнаҕа уонна Намнааҕы искусство оскуолатын учууталларыгар, оскуола администрациятыгар, транспортын көмөлөспүт I N-дээх НСОПШ администрациятыгар. Үнүү коллектива ханнык баҕарар таһымнаах конкурстарга, фестивалларга кыттар кыахтааҕын бигэргэттэ.

Н.Ф. МОСКВИТИНА,
«Ручеек» оҕо үнүүтүн образцовый коллективин салайааччыта, СР культуратын туйгуна

БИҢИТИ ЧААХАҢ СИТИҢИИЛЭРБИМ

Бу дьыл муус устар 3 күнүгэр Дьокуускай куорат оҕо музыкальной искусствотын оскуолатыгар народной инструменнар оркестрдарын, ансамблларын бөлөҕөр уонна софтох инструменна толорууга «Народная мозаика» диэн зональной конкурс-фестиваль буолан ааста. Онно биһиги Нам музыкальной оскуолатын учууталларын бөлөҕө кириэн кыттыны ылан II степеннээх лауреат аатын ылан үөрэн-көтөн кэллибит. Бу бөлөҕү эдэр, кэскиллээх домра учуутала Макарова Анна Афанасьевна баһылаан-көбүлээн илдьэ сырытта. Оттон софтох инструменна 5-с кылаас оҕото, домра кылааһыгар үөрэнэр Петров Коля (НСОПШ N 2, 8 «а» кыл.) старшай группаҕа кирисэн оскуолатын аатын көмүскээн I степеннээх лауреат буолары ситистэ. Учуутала Дьяконова Розалия Васильевна, концертмейстера Новгородова Елена Петровна.



Оскуолабыт быйылгы үбүлүөйдээх сылыгар бу биһиги улахан ситиһиилэрбит буолаллар. Инникитин даҕаны оҕолорбутугар, учууталларбытыгар дьолу уонна улахан ситиһиилэри баҕарыа этибит.

Кулун тутар 25 күнүгэр Дьокуускай куоракка музыкальной колледж саалатыгар биллиилээх баянист учуутал Р.П. Борисов аатынан баянистар конкурстара буолан ааста. Онно биһиги музыкальной оскуолабыт оҕото Горохов Юрий (4-с кыл.) уонна кини учуутала, СР культуратын туйгуна Пестряков Н.Н. кириэн иккиэн кыттан улахан ситиһиилээхтик үөрэнэ сылдылар. Бубякин Алик I ст. лауреат, Румянцев Саша II ст. лауреат аатын(студеннар истэригэр) ылан үөрэммит оскуолаларын үрдэтэллэр, сураҕардаллар.

Р.В. ДЬАКОНОВА,
СР культуратын туйгуна

ЫРЫАНЫ БЭЛЭХ УУНАН

Сотуругааҕыта Намга «Сардаҥа» кинотеатрга мелодист Н.С. Макарова ырыаларын толорууга улуустааҕы конкурс үрдүк таһымнаахтык ытылыһа. Конкурсу үс бөлөххө арааран (оскуола иннинээҕи, начальнай кылаастар уонна онтон үөһэ саастаахтар) элбэх оҕону хаптылар. Элбэх коллективтар кытыннылар, ыраах II Хомуस्ताах, Таастаах, Салбан нэһиликтэригэр тийэ кэлбиттэр.

Хатын Арыы орто оскуолатыттан 3 «б» кылаас үөрэнээччигэ Туйаара Софронова (*хаартыскаҕа*) бэйэтин бөлөҕөр I степеннээх лауреат буолан үөрэн-көтөн кэллэ. Бу иннинэ «Полярная звезда-2011» конкурса кыттан лауреат үрдүк аатын ылбыта. Онно нууччалык ыллаабыта, бу сырыыга «Бу ийэ таптала» диэн ырыаны ыллаата. Туйаараны салайааччыта В.М. Сивцева бэлэмнээтэ.

Ырыа автор, мелодист Н.С. Макарова хас биридир кыттааччыга сертификат туттартаата уонна бэйэтин «Ыллыаҕын, оҕолор» диэн фонограммалаах дискэтин бэлэх уунна. Төрөппүттэр ааттарыттан Надежда Семеновнаҕа ырыаларын республика таһымыгар таһаарарыгар өссө да айымньылаах үлэни, үрдүк ситиһиилэри баҕарарбын.

Н.Д. СИВЦЕВА, Аппааны



Оҕолор сааскы каникулларын кэмгэр Башкортостанга Уфа куоракка норуоттар икки ардыларынааҕы дуобакка Россияҕа бастыыр иһин күрэхтэһии буолан ааста. Россия 23 регионуттан 206 оҕо күөн көрүстүлэр, күүстэрин холостулар, Европа чемпионатыгар кыттар быраабы ылар иһин киристилэр.

Оҕолору саастарынан арааран барыта 10 бөлөҕүнэн күрэхтэстилэр. Элбэх спортсменнары тэрийээччилэр башкирдар уонна Саха сирэ туруордулар. Саха сириттэн чурапчылар, дьокуускайдар, горнайдар, аммалар, мэнэ-ханаластар, таатталар, бүлүүлэр, барыта 50-ча оҕо кыттыны ылла. Биһиги улууспуттан саамай кыра саастаах оҕолорго (2003 с., онтон кыра саастаах оҕолорго) Нам начальнай оскуолатын 1-кы кылааһын үөрэнээччигэ Валера Горохов (III разрядтаах) күүһүн холосто. Классической программаҕа 22 оҕо оонньообута. Валера 4 тур түмүгүнэн 5 очколаах төрдүс-сэттис миэстэҕэ иһэн бэһис, алтыс турдарга Башкортостан оҕолоругар Тамерлан Ахмеровка, Никита Жулевка уонна бүтэһик турга Данир Мурзабаевка хоттортон 14-с миэстэҕэ тэбилиһинэ.

РОССИЯҔА — ИККИС



Түргэн оонньуулаах программаҕа 21 оҕоттон 11 очколаах бэһис миэстэни ылла. Блицтурнирга тахсыылаахтык оонньоон тобус тур түмүгүнэн Башкортостан уолунаан Мажур Шайнуровтыын 14-түү очкону ыллылар, Валера коэффициент быһаарытынан биэр эрэ баалынан хаалан иккис бочуоттаах миэстэҕэ тигистэ.

Ярославской уобаласка «Лесное» диэн пансионатка оҕолорго Россияҕа нуучча дуобатыгар бастыыр иһин күрэхтэһии кадеттарга уонна кыра саастаах оҕолорго буолан ааста. Саха сириттэн 32 оҕо кытына. Биһиги улууспуттан Нам начальнай оскуолатын үөрэнээччилэрэ Валера Горохов, Вадим Баишев ситиһиилээхтик кытыннылар. Классической программаҕа Валера Горохов тобус тур түмүгүнэн алта очколаах 22 оҕо оонньообутуттан төрдүс миэстэни ылары ситистэ уонна II

разряд нуорматын толордо. Валера бастакы миэстэни ылбыт Никита Волковка (Орел куорат), үһүс миэстэни ылбыт Максим Алимовка (Москва) хоттордо, иккис миэстэни ылбыт Петр Павловы уонна Тимофей Павловы (Красноярская) кыттан сылдыар игирэ оҕолор кытта тэннэстэ, атыттары барыларын хотто.

Вадим Баишев түргэн оонньуулаах программаҕа 5 очколаах эмиэ төрдүс миэстэни ылла, аҕыс тур түмүгүнэн. Вадим туру Павлов Петяҕа (Красноярская), Балувев Кирилга (Челябинская) уонна алтыс турга 21-с миэстэ буолбут Красильников Мишаҕа (Архангельская) хотторгоото. Красильниковка хотторботоҕо буоллар үһүс миэстэ буолуохтааҕа хаалла.

Нуучча дуобатыгар 29 регионтан 167 оҕо алта бөлөҕүнэн арахан күрэхтэспиттэрэ, барыта 54 мэтээлтэн Саха сирин оҕолоро 9 мэтээли ыллылар (8 кыыс, 1 уол). Нуучча дуобатыгар бастаабыттар муус устар 27 күнүттэн ыам ыйын 4 күнүгэр диэри Европа чемпионатыгар Ярославскай уобалас «Лесное» пансионатыгар кытталлар. Быйыл улуус баһылыга Ильин А.И., үөрэх управленийтын начальнига Дьяконова В.Н. ДЮСШ-ҕа кыра да буоллар үп көрөнөр Россияга баран күрэхтэһин кэлбиһиппитигэр улахан махталбытын тиэрдэбит. Инникитин да спорду өйүүхтэрэ диэн эрэнэбит, үлэлэригэр өссө үрдүк ситиһиилэри баҕарарбыт.

Р.Н. ЕГОРОВА,
спортоскуола тренерэ
Хаартыскаҕа: Россияҕа 2-с миэстэлээх Валера Горохов

ОҔОЛОР ТЭРИЙИИЛЭРИНЭН

И.Е. Винокуров аатынан Хатын Арыы орто оскуолатын базатыгар «Эбии үөрэхтэһин тыа оскуолатын усулуобуйатыгар оҕолор бэйэни салайыныларын сайыннарар эйгэ быһыытынан» диэн республикатааҕы семинар буолан ааста. 9 улуустан эбии үөрэхтэһин учууталлара кэлэн уопут атасталаан, көрөн-истэн бардылар. Үөрэх управленийтын отделын сэбиэдиссэйэ А.С. Павлова семинар кыттыылаахтарыгар улууска ытыллар үлэни сырдатта. Оскуола туһунан иһитиннэриини директор Д.И. Ноговицын өнөрдө.



Семинар бастакы чааһын Хатын Арыы орто оскуолатын «Ситим» оҕо тэрилтэтин активта иилээн-саҕалаан ыыппыта сонундук көһүннэ. Оҕолор 5 секциянан куруһуоктар үлэлэрин көрдөрдүлэр. Ыалдьыттар «Школа мастеров» (сал. А.А. Винокурова, П.Д. Винокурова), «Дорожник» (сал. Т.Е. Винокурова), «Виртуальный музей» (сал. А.А. Алексеева) үлэлэрин чорботон бэлиэтээтилэр. Оскуолаҕа оҕо бэйэтин салайыныыта ситимнээхтик ытыллара се-

минарга көстүбүтүн хайҕаатылар. Оҕолор семинар үлэтин туһунан хаһыат онорон таһааран ыалдьыттарга бэлэхтээтилэр. Манна эдэр салайааччы Н. М. Яковлева «Живая газета» секциятын үлэтин түмүгэ көһүннэ.

Бу киэн тэрээһиннээх үлэни сүүрэн-көтөн ыыппыт оҕолорбутугар Адамова Аняҕа, Жир-

кова Надяҕа, Евстафьев Егорга, Винокуров Сережаҕа, Носков Димаҕа, Сивцев Мишаҕа уонна бары кыттыбыт үөрэнээччилэригэр махталбыт улахан.

В.И. МАКСИМОВА,
директоры иитэр үлэҕэ
солбуйааччы
Т.Е. ВИНОКУРОВА,
педагог-тэрийээчи

